



## **Universitätsbibliothek Paderborn**

**Diplomatvm Belgicorvm Libri Dvo**

**Le Mire, Aubert**

**Brvxellis, 1627**

46. Idem Lotharius III. Imp. petente vxore sua Richinza, decimas vicorum  
de Saniflite & Orderen, Canonicis ecclesiae Antuerpiensis ab Henrico V.  
Imp. ann. 1119. datas, confirmat anno 1133.

**urn:nbn:de:hbz:466:1-10903**

**C O N R A D V S** Comes, qui præest Abbatia) Conradus, inquam, Comes Luxemburgensis, Guilielmi filius, qui inter testes laicos hic numeratur. Fuit autem Abbas commendatarius Epternacensis, ut ante ipsum Sigefridus, & alij nonnulli Comites Luxemburgenses.

**R E I N O L D V S** de Montzum ) vulgo Pont à Mouzon: quod est opidum Lotharingiæ superioris, Academia clarum. Reinoldus hic, cognomento Monoculus, fuit primum Mussyponi, post Barri Comes: vt And. Quereturanus lib. 4. cap. 16. Hist. Burg. narrat.

**S P A N H E I M**) siue Spanheim, Comitatus hodieque notus in Palatinatu Rheni. Est ibidem, prope Crucenacum opidum, Spanheimense Benedictinorum monasterium, cuius Abbas fuit & Chro- nicon scripsit Ioannes Tritthemijs.

## C A P V T X L V I .

*Idem Lotharius III. Imp. petente uxore sua Richinza, decimas  
vicorum de Santfliten & Orderen, Canonicis ecclesie  
Antuerpiensis ab Henrico V. Imp. anno 1119.  
datas, confirmat anno 1133.*

**I**N nomine sanctæ & indiuiduæ Trinitatis. **L O T H A R I V S**, diuina fauente clementia, tertius Romanorum Imperator Augustus.

Cum in ijs, quæ à nobis iuste & rationabiliter petuntur, omnium petitioni condescendendum sit, præcipue exauditionis aures illis præbere debemus, quorum fidelitatem experti sumus & deuotionem.

Adhibito itaque scripti nostri testimonio, tam futuris quam præsentibus notum esse volumus, qualiter nos, instinctu dilectæ nostræ **R I C H I N Z A E**, petitioni fidelis nostri Magistri Rathvardi acquieui- mus, ecclesiamque S. Mariæ Dei genitricis, quæ est in burgo, qui vocatur **A N T V V E R P**, debita amplectentes veneratione, decimam omnem, quæ continetur à terminis Zantfliten usque Olmeremuthen, ab antecessore nostro Imperatore Henrico quarto, ecclesiæ S. Michaelis in eodem burgo collatam, cum integritate Præpositu- ræ, & omnibus appenditijs suis, præfatæ ecclesiæ S. Mariæ affig- namus.

S. f. 3.

In

In qua confirmatione, priorem tenentes dispensationem, decreuimus, vt quarta pars prædictæ decimæ Præposito, reliquæ verò præfatae ecclesiæ S. Mariæ incommutabiliter seruant.

In uiolatam itaque esse volentes nostræ confirmationis auctoritatem, præcipiendo iubemus, vt nullus Archiepiscopus, Episcopus, Dux, Marchio, Comes, Vicecomes, nulla denique magna paruaue persona, in his concessis, saepius dictam ecclesiam inquietare, diuertire, aut molestare præsumat.

Si quis verò contra hoc conari præsumperit, centum libras aurum, medietatem cameræ nostræ, & medietatem præfatæ componat ecclesiæ.

Quod vt verius credatur, & ab omnibus diligentius custodiatur, præsentis decreti paginam sigilli nostri impressione notauiimus. Huic autem confirmationi idoneos adhibuimus testes,

Brunonem Colonensem Archiepiscopum,

*Episcopos,*

Andream Traiectensem,  
Werinherum Monasteriensem,  
Alexandrum Leodiensem,  
Luihtardum Cameracensem,  
Adelberonem Basiliensem,  
*Palatinos Comites,*  
Ottonem & Fridericum,  
Adelbertum Marchionem.

Signum domni Lotharii tertij Romanorum Imperatoris invictissimi. Ego Berthulus, vice Voelberti, recognoui.

1133.

Data anno incarnationis Domini M. C. XXXIII. Kal. Ianuarii, Indictione vndecima, anno verò regni Regis Lotharij nono, imperij secundo. Actum Aquisgrani in Christi nomine feliciter, amen.

#### N O T A T I O N E S.

RICHINZA, ) Richilda seu Richildis, Lotharij III. Imp. coniux.  
HENRICO Quarto) aliàs Quinto, si Henricum Aucupem Imperatoribus annumeres: vt lib. 1. cap. 41. explicui. Henrici diploma anno 1119. (non an. 1125, vt vitiosè excusum legitur) Traiecti datum, exstat in Cod. don. piarum cap. 81.

ZANTFLI

ZANTFLITEN) nunc Santvliet, vicus ad Scaldim, inter Antuerpiam & Bergas ad Zomam, olim piscatorum copia potens.

OLMEREMVTHEN) nunc Olmeren, vicus Brabantiae, eodem in tractu.

## C A P V T X L V I I .

Gosuinus dominus Heinsbergensis & vxor eius Aleidis fundans monasterium Heinsbergense, quod nunc est virginum ord. Præmonstratensis in Ducatu Iuliacensi, & diœcesi Leodicensi; confirmante Alexandro Episcopo Leodicensi anno 1165.

**I**N nomine sanctæ & indiuiduæ Trinitatis. ALEXANDER secundus Dei gratia Leodiensis Episcopus omnibus catholica Ecclesiæ filijs, tam præsentibus quam futuris in perpetuum.

Si officij nostri locum & dignitatem consideremus, necessarium est ut bona non tantum coram Deo, sed coram omnibus hominibus faciamus, & piam fidelium intentionem erga sanctam ecclesiam debita auctoritate roboremus.

Nouerit itaque dilectio vestra, quod dominus Gozvinus secundus Henesbergensis, & vxor eius ALEIDIS, animarum suarum, parentum quoque & filiorum memores, basilicam monti suo collateralem, in honore Domini nostri Iesu Christi, matrisque ejus fundauerunt; & eam per manum prædecessoris nostri Heinrici consecratam, & mancipijs, agris & arbustis dotatam, diuinæ servituti obtulerunt.

Anno vero Dominicæ incarnationis millesimo centesimo sexagesimo quinto. Indictione decima quarta, regnante Friderico Romanorum Imperatore, in ecclesia B. Mariæ in Aquis-grani, ab ipso fundatore Gozvino, & filiis eius PHILIPPO Archidiacono, Gozvino, Godefrido. consentientibus, rogati sumus, quæ prædictæ basilicæ dotis sunt allodia (ne aliquis ausit diripere ab ipsis fratribus ibi Domino militantibus) banno sancire, & summam totius redditus eiusdem basilicæ scripto enumerare.

In ipso etenim fundo Henesbergensi cum agris & arbustis mansi duo; Rode mansi vndecim; Waldenrode mansi duo; in loco qui